

L E C T O R I S .

CUM, opinionum commentis plurimis die tandem deletis, experimenta nova scientiam multum provexerint, Pharmacopœiam nostram retractandam rati, eam, qua potuimus cura, emendatam et expolitam denuo in lucem edimus.

Catalogum materiæ medicæ multo, quam ante, breviorẽ dedimus; non quod alia adversus morbos auxilio esse inficiaremur, sed quia omnia, nisi in præsentibus curationibus adhiberi solita, inde recidenda, et Pharmacopœis, quæ in officinis servare semper deberent, legem certam dandam, arbitraremur. Quædam, quibus nunc etiam utimur, omiſſa, et consulto, sunt, ea scilicet, quæ in cellis et promptuariis omnium fere domuum reperiuntur. Complura olim præparatis adnumerata, propterea quod a pharmacopœis nec commode parabantur, nec nobis quidem, cum ab aliis artificibus melius acciperentur, parari placebat, ad materiæ medicæ catalogum transtulimus.

Plan.

XII L E C T O R I.

Plantas, quæ inde, ubi nascuntur, ab ipso Pharmacopœo colligendæ sunt, quo cuivis Botanices peritiori cognitu faciliores essent, adjectis illustris collegæ nostri *Caroli a Linné* nominibus specificis, distinguendas judicavimus.

Medicamentorum compositorum ordinem priorem, ut manifesto minus idoneum, mutavimus; et, licet, quis optimus ordo sit, parum forsitan constet, nos eum saltem, qui simplex et satis commodus videbatur, secuti sumus. Unde, si quid incommodi utut orietur, id adjectus index facile sublevabit.

Medicamenta præparata et composita multa, priore Pharmacopœia comprehensa, hic prætermissa sunt: Primum, ea prope omnia, quæ in officinis vix recte servari parata possunt, tum solum, cum in præsentem usum requiruntur, paranda, et sic porro ad arbitrium uniuscujusque medentis variari permittenda; deinde ea, quæ quamvis pristino usu sancita, præfens omnino neglexit. Quod si jure rejicienda pauca retinentur, hæc quorundam consuetudini venia danda erat. Nonnulla nova recepta sunt, sed sola, quæ aut experientia propria, aut virorum gravium testimonia, commendant.

Enchei

Encheireses ubique maxime idoneas, sed ratio fusius aut explicatius, et eo tantum usque, quantum Pharmacopœo peritiori sufficiat, præcepimus; artis pharmaceuticæ trivialia docere haud nostrum esse existimantes.

Multa hæcenus usitata, qualia aut in errorem ducere viderentur, aut a priorum chemicorum jactantia et mysteriorum studio orta essent, quantum tuto fieri poterat, nomina commutavimus, et, quoties licebat, in aliis imperii Britannici partibus iisdem medicamentis imponi solita potissimum adhibuimus. Neve quem nomina nova errorem inferrent, his priora ubique fere subjecimus.

Ponderum et mensurarum queis perpetuo utimur, inter se rationem pagina sequens monstrabit.

EDINBURGI, *ex ædibus*

Collegii, XI kal. August.

MDCCLXXIV.